

Čuvanje djece

Mnogi očevi i majke rade i nakon rođenja djeteta. Zbog toga postoje u kantonu Appenzell Ausserrhoden razne ponude za čuvanje djece. Većina tih usluga se plaća.

Dječije obdanište

U dječijim obdaništima (Kitas, Kinderkrippe) su djeca zbrinuta cijeli dan. Većina ponuda se odnosi na djecu u dobi od 3 mjeseca pa do polaska u školu. Neka obdaništa imaju i ponude za djecu školskog uzrasta (prije i poslije škole i za vrijeme ručka). Pošto su liste čekanja obično duge, roditelji trebaju dijete što ranije prijaviti. Troškovi nisu isti za sva obdaništa i djelimično ih preuzimaju kanton i opštine. Informacije o prijavama i troškovima se dobijaju u obdaništu ili kod Socijalnog osiguranja Appenzell Ausserrhoden.

Igraonice

Prije polaska u školu mnoga djeca posjećuju igraonice (Spielgruppe). Djeca starija od 3 godine borave tu bez njihovih roditelja i igraju se zajedno pod nadzorom obučene njegovateljice. Posjeta igraonici je dobrovoljna. Posebno za djecu, koja ne govore kod kuće njemački, igraonica je dobra mogućnost da se dođe u kontakt sa njemačkim jezikom. To olakšava polazak u školu. Troškovi nisu isti za sve igraonice, djelomično ih preuzimaju opštine. Nekad i opština preuzima jedan dio troškova. Igraonice postoje skoro u svakoj opštini. Opštine daju informacije o mogućnostima prijavljivanja kao i o troškovima.

Dnevni boravak / Ručak

U nekim opštinama škole nude pored nastave i dnevne boravke. U školama sa dnevnim boravcima (Tagesstruktur) djeca mogu ostati i za vrijeme ručka i tu dobiti obrok. Nakon nastave mogu da urade domaće zadatke uz podršku odraslih osoba. Troškove snose roditelji. Cijene često zavise od prihoda i stepena zaposlenosti roditelja. Dijete može tamo ići jedan ili više dana u sedmici. Dnevni boravci se ne smiju miješati sa cjelodnevним školama (Tagesschule), u kojima djeca pohađaju cijelodnevni program 5 dana u sedmici.

Porodice koje čuvaju djecu

Porodice koje čuvaju djecu (Tagesfamilien) su porodice koje primaju djecu i paze ih kod sebe određeno vrijeme, najčešće preko cijelog dana. Ovaj način čuvanja djece je kod roditelja omiljen. U Appenzell Ausserrhoden, udruženje dnevnih porodica daje informacije o ponudi.

Više informacija (linkovi, adrese, brošure, informacioni listovi)

www.hallo-ar.ch/hr/partnerstvo-i-djeca/cuvanje-djece